



**Kalaallit Nunaanni Tunup Kujataani qilalukkanik qernertanik
kisitsineq 2022**

Pinngortitaleriffik aamma Tunumi qilalukkanik
qernertarniartartut suleqatigiinnerat





Imarisaa

<i>Eqikkaaneq; qilalukkanik qernertanik kisitsinermi suleqatigiinneq</i>	<i>3</i>
<i>Pinngortitaleriffiup Tunumilu piniartut akornanni pilersaarusoqatigiilluni ataatsimiinneq.....</i>	<i>6</i>
<i>Timmisartukkut kisitsineq pillugu eqikkaaneq</i>	<i>14</i>
<i>Pinngortitaleriffik Tunumilu piniartut akornanni suleqatigiissitami ataatsimiinneq 25. juuli 2023, Tasiilaq aamma internetikkut, Tunumi qilalukkanik qernertanik kisitsinermut atatillugu misilittakkat pillugit (aasaq 2022).....</i>	<i>17</i>
<i>Pinngortitaleriffik Tunumilu piniartut akornanni suleqatigiilluni ataatsimiinneq 5. oktobari 2023, Ittoqqortoormiit aamma internetikkut, Tunumi qilalukkanik qernertanik kisitsinermut atatillugu misilittakkat pillugit (aasaq 2022). 20</i>	
<i>Ilanngussaq 1: Pilersaarusoqatigiilluni ataatsimiinnissamut oqaluuserisassat peqataasussallu aqqi, 7.-8.juuni 2022</i>	<i>23</i>
<i>Ilanngussaq 2: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juuli 2023</i>	<i>25</i>
<i>Ilanngussaq 3: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juuli 2023</i>	<i>27</i>



Eqikkaaneq; qilalukkanik qernertanik kisitsinermi suleqatigiinneq

Rikke Guldborg Hansen, Pinngortitaleriffik

Kalaallit Nunaat NAMMCO-mi, tassalu Atlantikup Avannaani Imaani Miluumasut pillugit Ataatsimiititaliarsuarmi ilaasortaavoq, taassuma Tunumi qilalukkanik qernertanik piujuaannartitsineramik tunngavilimmik piniartoqarnissaanik kalaallit naalakkersuisui siunnersortarpari. Qilalukkat qernertat aasakkut Kalaallit Nunaata imartaaniittartut piniarpallaarneqartarnerat nunarsuarmi qilalukkanit qernertanik allanit naleqqiullugit sanngiinnerusumik inissisimasuusut ilaatigut NAMMCO-mit, JCNB-p (Canada-Greenland Joint Commission on Beluga and Narwhal, tassalu Canadamiut kalaallillu qilalukkat pillugit ataatsimoorussamik ataatsimiititaliaat) ataani ilisimatusarneq pillugu suleqatigiissitamit kiisalu IUCN-imit (The International Union for Conservation of Nature, Pinngortitap piujuartinniarnissaa pillugu nunat tamalaat suleqatigiiffiannit) nalilernerqarput. NAMMCO-p qilalukkat qernertat pillugit ilisimatuussutsikkut ataatsimiititaliaata Tunumi qilalukkanik qernertanik uumasogatigiinnik tamanik piniartarnerup tassanngaannartumik unitsinneqarnissaa 2019-iminngaanniilli innersuussutigisimavaa. Inatsisartut Tunup Kujataani qilalukkanik qernertanik kisitsisoqarnissaanik Pingortitaleriffimmut 2021-mi kissateqarsimapput, taamaalilluni aqutsiveqarfiit pingasut, tassalu Tasiilaq, Kangerlussuaq aamma Ittoqqortoormiit kisitsivigineqartussanngorput. Kisitsinerit inernerisa NAMMCO-mit ilisimatuussutsikkut atornerqarnissaat Pinngortitaleriffimmut suliaqutiginerqarpoq, taakkulu atorlugit qilalukkat qernertat piujuaannartitsinissamik tunngaveqarluni piniarneqartarnissaat pillugu siunnersuineri atornerqarsinnaasussaapput. Qilalukkat qernertat pillugit kisitsisitigut paasissutissat agguataarneqarnerat amerlassusaallu timmisartumik ataavartumik kisitsisarlu katersorneqarput, qilalukkanik qernertanik nakkutiginnilluni misissuinerni katersat matematikki atorlugu takussutissiarineqarsinnaanngorlugit suliarineqarput, qilalukkat qernertat uumasogatigiit amerliartornerat takuneqarsinnaanngorlugu.

Piniartut sumiiffinni ataasiakkaani qilalukkanik qernertanik ilisimasaqarnerat pillugu kisitsinissamik pilersaarusiernermi pingaaruteqarluinnartumik inissisimapput, ilisimasallu uppersarnerqarput Islandimilu juunimi 2022-mi pilersaarusiogatiigilluni ataatsimiinnermi ilanngunneqarput. Piniariartarfimminngaanniit avannarpassinnerusumiittut aallartitat tallimat aamma piniariartarfimminngaanniit kujasinnerusumiittut aallartitat tallimat ataatsimiinnermut qaaqquneqarput. Piniariartarfimmi avannarpassinnerusumi sumiiffik aqutsiveqarfiup ataatsip (sumiiffik 3) Ittoqqortoormiit iluanniippoq, piniariartarfillu kujasinnerusumiittoq sumiiffinni aqutsiveqarfinni marlunni (sumiiffik 1 aamma 2) tigummineqarpoq, tassalu Kangerlussuarmi aamma Tasiilamit (takuuk takussutissiaq 1). Taakku saniatigut Ilulissaninngaanneersoq Pele Blytmann aamma Ittoqqortoormiinngaanneersoq Kristoffer Hammeken misigisartakkatik pillugit oqaluttuariartornissamut qaaqquneqarput, taakku Pinngortitaleriffiup timmisartut atorlugit arferit Kalaallit Nunaata Kitaani aamma Tunumi ukiukkut 2022-mi siammarsimaneranni kisitsisarnerinut ilaasarsimapput. Pinngortitaleriffimminngaanniit ilisimatusartut sisamat aallartitatut peqataapput, taakku tamarmik qilalukkanik qernertanik misissuisuupput, paasissutissiisartoq ataaseq aamma



peqataavoq. Aalisarnermut Piniarnermullu Naalakkersuisoqarfimminngaanniit Amalie Jessen ataatsimiinnermi aqutsisutut aamma peqataavoq.

Suleqatigiissitami ataatsimiinneq piniartut Tunumi qilalukkanik qernertarniartartut isumaat tusarusullugit aaqqissuunneqarpoq. Pinngortitaleriffiup kisitsinissaanut pilersaarutitut siunnersuummik suleqatigiissitap suliaqarnissaa kissaataavortaaq. Kisitsinermi piffissaliussamik, sumiiffimmik kisitsiviusussamik kiisalu sumiiffiup nalilersorneqarneranik piniartut toqqaanerat kisitsinissamut pilersaarusiordermi ilanngunneqarput. Sumiiffinni ataasiakkaani qilalukkanik qernertanik takunniffiusuni annertusisamik taamaallaat kisitsisoqartassanersoq, imaluunniit sumiiffiit annertunerusut timmisartut ingerlaarfii pilersaarutaareersut atorlugit misiliilluni misissuisoqartassanersoq pingaartillugu oqaluuserineqarpoq. Uumasooqatigiit amerlassusaat pillugit kisitsisit eqqornerusut pissarsiarineqassappata sumiiffik annertunerusoq misiligutitut ilanngunneqaruni pitsaanerussasoq aalajangiunneqarpoq. Timmisartup ingerlaarfissaa suleqatigiissitami ataatsimiinnermi isumaqatigiissutigineqartutut timmisartortartutunut tunniunneqarpoq aamma timmisartup ulluni isumaqatigiissutaasimasuni ingerlaarfissaattut toqqarneqarsimasut sila ajunngikkaangat qilalukkanik qernertanik misissuinerit tamarmik naammassineqarput.

Kalaallit Nunaanni Tunup Kujataani qilalukkanik qernertanik kisitsineq 25. aggustip aamma 10. septembarip akornanni pivoq. Qilalukkanik inuuniutigalugu misissuisartut aamma Kalaallit Nunaanni Tunup Kujataani piniartartut kisitsinermi peqataapput. Ittoqqortoormiit kangerluini, iterlanni, Blossevillekystenip Sineriaani, Kangerlussuarmi iterlannilu kjasinnerusuni avannarpasissutsimi 62°30'-mi ingerlanneqarput. Timmisartumik nalinginnaasumik misissuilluni ingerlaartarnerminngaanniit 200 meterit ataallugit ingerlaartoqarpoq kiisalu kilometerit katillugit 2260-imik isorartutigisoq misissuiffigineqarluni, taamaalilluni qilalukkat qernertat katillugit 25-t takuneqarput. Tasiilap aqutsiveqarfiani (Kangerlussuup kujataani) qilalukkanik qernertanik takusoqanngilaq.

Timmisartumik kisitsinermi misilittakkat inernerillu oqallisiginissaat pillugit Pinngortitaleriffik Tasiilami ulloq 23. juuli 2023 ataatsimiisitsivoq. Piniartut Islandimi pilersaarusiorderluni ataatsimiinnermi aamma/imaluunniit kisitsinermi peqataasut tamarmik qaaqquneqarput. Pinngortitaleriffimminngaanniit qilalukkat qernertat pillugit ilisimatusartut pingasut paasissutissiisartorlu ataaseq aamma oqallinnermi aqutsisoq ataaseq ataatsimiinnermi peqataapput. Piniartut Ittoqqortoormiininnangaanneersut Tasiilami piniartut internetikkut ulloq 23. juuli ataatsimiinneranni peqataasinnaasimanngillat. Taamaattumik Pinngortitaleriffiup aamma piniartut Ittoqqortoormiininnangaanneersut internetikkut 5. oktobari ataatsimiisinneqarput.

Pinngortitaleriffik inernerugallartunik saqqummiivoq, tassanilu takuneqarsinnaavoq aqutsiveqarfinni Kangerlussuarmi aamma Ittoqqortoormiini qilalukkat qernertat 441-t takuneqarput (CV=0.39, 95% CI: 212-918). Qarasaasiakkat naatsorsuineq taanna NAMMCOmi



ilisimatuussutsikkut misissuiffigineqarami qilalukkat 365ngortippaat (CV=0.40, 95%CI: 173-769) NAMMCOMilu ilisimatuussutsikkut ataatsimiitsitaliamit januaarimi akuerineqarluni. Qernertat Kalaallit Nunaanni Tunup Kujataani manna tikillugu aatsaat taama ikitsigisut takuneqarput, taamaanneralu uumasogatigiit siunissaat eqqarsaatigalugu NAMMCO-p assut ernumanartippaa. Uumasogatigiit taakku amerlaassusaat NAMMCO-p ilisimatuussutsikkut Ataatsimiititaliarsuata akuerisimavaa, januaari 2024.

Piniartut ilisimatusartullu ilisimasani avitseqatigiinnertik kiisalu suliap ingerlanera tamaat ataqpeqatigiilluni suleqatigiinnertik iluarisimaarpaat. Suleqatigiinnikkut paatsooqatigiinnerit annikillisarnerat aamma ataatsimoorluni paaseqatigiinnerulertoqartarnera isumaqatigiissutaavoq. Isumaqatigiinnnginnissamut inissaqartarnera nuannaarutaavoq siunissarlu eqqarsaatigalugu isumaqatigiinnerulernissamut tunngavissiivoq. Qilalukkat qernertat aasaanerani ukiut 50-it (Kangerlussuup kujataaninngaanniit Skjoldungen ilanngullugu) aamma ukiut qulit ingerlaneranni (Ittoqqortoormiini/Hjørnedalimi) ikilismanerat isumaqatigiissutigineqarpoq. Kalaallit Nunaanni Tunup Kujataani qilalukkat qernertat piniarneqarpallaartarnerisigut siammarsimanerisa amerlassusaasalu ikilismanerannut peqqutaasoq ilisimatusartut isumaqarput, silalli allanngornera aamma umiarsuit takornariartaatit akornusersuisarnerat peqqutaasoq piniartut isumaqarput. Piniartut timmisartumik kisitsinerit inernerit naammaginngilaat, qilalukkanilli kisitsisarnermi periutsinik allanik siunnersuuteqartoqanngilaq.

Nalunaarut una pingasunik immikkoortortaqarpoq. Kisitsinissaq pillugu pilersaarusiortuni ataatsimiinneq (qupperneq 6-14), kisitsinerit inernerit (qupperneq 14), kisitsinerit inernerit aamma suleqatigiinnermi misilittakkat pillugit naggataarutaasumik ataatsimiinneq (17-22). Taamatuttaaq oqaluuserisassat aamma suleqatigiissitat ataatsimiinneranni peqataasut aqqi pillugit ilanngussat 25-28.

Peqataasut tamarmik nalunaarut una akuerereerpaat, januaari 2024.



Pinngortitaleriffimminngaanneersut aamma Kalaallit Nunaanni Tunumi piniartut
pilarsarusioqatigiillutik ataatsimiinnerat
Hotel Natura, Reykjavik, Island ulloq 7-8 juuni 2022



Asseq: Suleqatigiissitap ataatsimiinnerani peqataasut (atit, ilanngussaq 1 takuuk)


Eqikkagaq

Qilalukkanik qernertanik Kalaallit Nunaanni Tunup Kujataaniittunik kisitsineq pillugu Pinngortitaleriffimminngaanneersut aamma Kalaallit Nunaanni Tunumi piniartut qilalugarniartartut ataatsimiinnerat ulluni 7.-8. juuni 2022 Reykjavik-imi, Islandimi, ingerlanneqarpoq. Pinngortitaleriffimminngaanneersut ilisimatusartut sisamat aamma piniartut aqqanillit Kalaallit Nunaanni Tunup Kujataani nunaqarfinninngaanneersut illoqarfinminngaanneersullu ilaatigut peqataapput. Taakku saniatigut oqallinnermi aqutsisoq ataaseq, Pinngortitaleriffimmi paasisutissiisartoq ataaseq, oqalutsi ataaseq kiisalu piniartoq Kalaallit Nunaata Kitaani timmisartumik kisitsinerni peqataasimasooq najuupput. Qilalukkat qernertat pillugit ilisimasanik ilisimatusartut piniartullu avitseqatigiipput. Oqaluuserisassat ima aqqissuunneqarsimapput ilisimatusartut piniartullu qilalukkat qernertat pillugit ilisimasaminnik ilisimasallu qanoq katersorneqarsimanerannik saqqummiinissaannut periarfissinneqarsimallutik. Taassuma saniatigut ilisimatusartut qilalukkanik qernertanik misissuinnermi periutsinik tunngavigineqartartunik nassuiaateqarput, soorlu timmisartukkat kisitsinerit ataqatigiissillugit aqqissuuttarnerannut, kisitsinernut tamakkiisunut, aamma pisareqqitat nalunaaqutsersorneqartarnerat pillugit misissuinnernut tunngasunik. Piniartut qilalukkanik



qernertanik Pinngortitaleriffik suleqatigalugu kisitsinernut peqataasimasut misilittakkatik pillugit aamma oqaluttuarput.

Piffissaliussat pitsaanerpaat kiisalu kisitsinissamut sumiiffik pitsaanerpaaq ataatsimiinnermi peqataasut ataatsimiinnerup nalaani oqaluuseraat, qilalukkat qernertat ingerlaartarnerat pissusilersuutigisartagaallu eqqarsaatigalugit. Kalaallit Nunaanni Tunumi qilalukkanik qernertanik kisitsinissamut atatillugu piffissaliussamik pilersaarummik, ilusissaanik, sumiiffinnik soqutiginarsinnaasunik aamma sumiiffinnik pingaaruteqarsinnaasunik piniartut akunnerminni isumaqatigiillutik kiisalu Pinngortitaleriffimmi ilisimatusartut isumaqatigalugit suliaqartoqarpoq. Suleqatigiissitap sulinerata kingunerisaanik aalajangersaaneq pillugu uppersaammik timmisartup aqutsiveqarfinni pingasuni (Takussutissiaq 1) ingerlaarfissaanik kiisalu sumiiffinnik pingaaruteqarsinnaasunik imalimmik suliaqartoqarpoq. Taannalu malillugu Pinngortitaleriffik kisitsinissamik aaqquissuussivoq. Aalajangersaaneq pillugu uppersaasut peqataasunit tamanit ataatsimiinneq suli naammassinngitsaq akuerineqarpoq.






Takussutissiaq 1. Aqutsiveqarfik 1 (Blosseville Kyst 68°30'N-ip avannaaniittoq; avannaani aamma Ittoqqortoormiit), aqutsiveqarfik 2 (68°30'N-iminngaanniit kangerluit iterlaallu; avannamut 67° Kangerlussuaq ilanngullugu kiisalu Dødemandsbugtenip ilaa ilanngullugu) aamma aqutsiveqarfik 3 (avannarparissutsip 67°-ip kujasinnerusortaani).

Qilalukkanik qernertanik kisitsinissamut aalajangersaaneq pillugu uppersaarsaat


Suleqatigiissitap oqaluuserisassai kiisalu peqataasut aqqi ilanngussami 2-mi takuneqarsinnaapput. Ilisimasanik avitseqatigiittoqareermat pingaarnersiullunilu oqallittoqareermat ataatsimoorluni nunap assingani titartaasoqarpoq kiisalu qilalukkanik qernertanik aasakkut 2022-mi kisitsinissaq pillugu pilersaarummik suliaqartoqarpoq.




Asseq: Sumiiffinnik pingaarutilinnik tikkuartuisoqarpoq aamma kisitsinissaq pillugu suleqatigiilluni pilersaarusiortoqarpoq.




9




Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortfigineqartoq pillugu kiisalu timmisartup ingerlaarfissai pillugit assaannarmik nunap assiliaq (Aqutsiveqarfik 3).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusi orfigineqartoq pillugu kiisalu timmisartup ingerlaarfissai pillugit digitalimik nunap assilialiorneri (Aqutsiveqarfik 1).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortfigineqartoq pillugu kiisalu timmisartup ingerlaarfissai pillugit digitalimik nunap assiliorneri (Kangerlussuup avannaani, Aqutsiveqarfik 1; Kangerlussuaq, asseq ikkutaq; Kangerlussuup kujataani, Aqutsiveqarfik 3).



Asseq: Qilalukkat qernertat aasakkut 2022-mi kisinneqarnissaannut sumiiffik pilersaarusiortfigineqartoq pillugu kiisalu timmisartup ingerlaarfissai pillugit digitalimik nunap assilialiorneri (Aqutsiveqarfik 3).






Timmisartukkut kisitsineq pillugu eqikkaaneq

Timmisartukkut misissuineq pillugu misissueqqissaarneq aamma inernerit tuluttut

Qilalukkat qernertat Kalaallit Nunaata imartaaniittut piniarneqarpallaarsimanissamut qaninnerat peqqutigalugu nunarsuarmi qilalukkat qernertat uumasogatigiit akornanni qajannarnerpaatut isigineqarput. Kalaallit Nunaanni Tunup Kujataani qilalukkanik qernertanik annertuumik aggustimi -septembarimi 2022-mi kisitsisoqarpoq. Piffissaliussaq, misissuinerup annertussusaa sumiiffillu misissuiffissaq, sumiiffik aamma ilusaa Kalaallit Nunaanni Tunup Kujataani piniartut isumasioreerlugit aalajangersarneqarput. Kisitsinerup ingerlanneqarnerani inuussutissarsiutigalugu arfernik alaatsinaattut piniartullu peqataapput. Ittoqqortoormiit kangerluini kiisalu kangerlunni aamma Ittoqqortoormiut Kangerlussuullu akornanni iterlaat sinerlugit 68°30'-mit avannamut 67°-imut (Aqutsiveqarfik 2) aamma avannamut 67°-imit 62°30'-p missaanut (Aqutsiveqarfik 3) kisitsisoqarpoq. Kisitsineq 25. aggustip aamma 10.septembarip 2022-p akornanni ingerlanneqarpoq. Misissuinermit atugassarititaasut pitsaalluinnartut atorlugit 2260 kilometerit misissuisoqarpoq, aamma qilalukkat qernertat katillugit 25-t takuneqarput (Takussutissiaq 2). Kangerlussuup kujataani qilalukkanik qernertanik aqutsiveqarfik 3-mi takusaqartoqanngilaq. Sumiiffimmi tamani qilalukkat qernertat amerlassusaat katillugit 365-inut nalilerneqarsimapput (varians, tassalu kisitsinermi kisitsisit atorneqartut=0.40, 95% konfidensintervallet, tassalu kisitsit qulakkiikkat ima paasisariaqarput kisitsinermi 100-nit 95-it uumasogatigiit qilalukkat qernertat kisitsisinut 73-769-inut inerneqartitsissammata). Aqutsiveqarfimmi 1-mi qilalukkat qernertat uumasogatigiit 1-imit 176-iupput (varians, tassalu kisitsinermi kisitsisit atorneqartut=0.68, 95% konfidensinterval, tassalu kisitsit qulakkiikkat: 53-590) aamma aqutsiveqarfimmi 2-mi uumasogatigiit qilalukkat qernertat 188-iupput (varians, tassalu kisitsinermi kisitsisit atorneqartut=0.42, 95% konfidensinterval, tassalu kisitsisit qulakkiikkat: 85-417). Qilalukkat qernertat manna tikillugu aatsaat taama ikitsigilersimanerat uumasogatigiit amerlassusaat pillugit kisitsisitigut paasissutissat taakku takutippaat, Kalaallit Nunaanni Tunup Kujataani 1983-imi kisitsisoqaqqaarneranut naleqqiullugu (Aqutsiveqarfik 1) 2008-milu (Aqutsiveqarfik 2 aamma 3 kisitsisoqaqqaarneranut naleqqiullugu). Uumasogatigiit siunissaat pillugu ernumanek taamaalilluni sakkortunerulerpoq.



Asseq: Kalaallit Nunaanni Tunup Kujataani piniartut arfernillu nakkutilliisut qilalukkanik qernertanik kisitsinerup nalaani nunap assinga misissoraat.



Takussutissiaq 2. Qilalukkanik qernertanik nakkutilliinermi nunap assinga titartaaffigineqarsimasoq (saamerleq), Kangerlussuup nunap assiliorneqarnerata ilaa ersippoq (talerpiata tungaani qullerpaami) aamma Ittoqqortoormiit kangerluani (Gåsefjord aamma Fønfjord; talerpiatungaani allermi).



Pinngortitaleriffiup aamma Tunumi piniartut akornanni suleqatigiissitami ataatsimiinneq 25. juli 2023, Tunumi qilalukkanik qernertanik kisitsinermi misilittakkat pillugit Tasiilami internetikkullu, ataatsimiinneq (aasaq 2022)



Asseq: Tasiilaminngaanniit Tasiilap eqqaaninngaanniillu peqataasut (atit, ilanngussaq 2 takuuk)

Eqikkagaq

Pinngortitaleriffiup Tasiilamilu aamma Tasiilap eqqaaninngaanneersut piniartut suleqatigiissitami ataatsimiinnerat ulloq 25. juuli, 2023 ingerlanneqarpoq. Silap ajornera pequtigalugu ullup aappaa avillugu kinguaattoortoqaralarluni ataatsimiinneq aallartinneqarpoq aamma kikkut tamarmik Tasiilami peqataasinnaasimangillat; peqataasut uku video-link atorlugu peqataapput. Ittoqqortoormiininngaanniit internet ajorluartumik tammaqattaarmat piniartut tassanngaanneersut peqataangillat. Pinngortitaleriffiup aamma Ittoqqortoormiini piniartut ataatsimiinnerat ulloq 5. Oktobari nanginneqarpoq (takuuk qupperneq 19-21). Ilisimatusartut aamma piniartut pilersaarusiorluni ataatsimiinneranni timmisartukkullu kisitsinermi misilittakkat pillugit nalilersuisoqarpoq. Ilisimatusartut piniartullu suleqatigiinneq iluarisimaarpat suliniutinullu allanut tunngatillugu suleqatigiinnerusalernissaq kissaatigaat. Soorlu assersuutigalugu ilisimasat immikkullu ittut takusat pillugit video-linki atorlugu paarlaasseqatigiinnikkut. Timmisartukkut kisitsinerit inernerit saqqummiunneqarlutillu oqallisigineqarputtaaq. Kalaallit Nunaanni Tunumi qilalukkat qernertat kinguaariaani kingullerni amerlassutsitigut ineriartorsimanerat siammarsimanerallu naggataatigut oqaluuserineqarput.



Kulusumi kisitsineq pillugu piniartut kisitsinermi peqataanermi misigisaat (Tasiilaq aamma Kangerlussuaq, aqutsiveqarfiit 1 aamma 2):

Biologit piniartullu akornanni oqallinnernut suleqatigiinnerannullu akuutinneqarneq nuannaarutissaavoq. Paatsuinerit ikilisippai kiisalu ataatsimoortumik paasinnittaaseqarnissaq annertunerulersillugu. Isumaqatigiinninnissamut inissaqarnera siunissarlu eqqarsaatigalugu isumaqatigiinnerulernissaq tunngavissinneqarmata nuannaarutissaavoq. Biologit piniartullu ataqpeqatigiillutik imminnut oqaloqatigiissinnaallutik imminnullu ilikkagaqarfigisinnaallutik piniartut misigisimapput. Suleqatigiinnerup tamassuma siunissami ingerlaannarnissaa kissaatigineqarpoq. Kissaatit assigiinngitsut taaneqarput, soorlu assersuutigalugu piniartut Pinngortitaleriffiullu akornanni suleqatigiinnerulernissaq peqataasup ataatsip kissaatigaa, soorlu assersuutigalugu biologit qilalukkanik qernertarniarnermi alaatsinaattutut peqataasinnaanerit taaneqarpoq, paasissutissallu tullerijaaqqissaarlutik katersorneqarsinnaapput qilalukkallu qernertat uumasooqatigiit ineriartornerat pillugu ilisimatuussutsikkut atorsinnaasunngorlugit paasititsiniaanerni atorneqarsinnaassapput, piniartut piniarnerisa nalaanni biologit qilalukkanik kisitsisarsinnaassapput. Kisitsineq nunaminngaanniit 50 km-inik avasitsigisumut killeqanngimmat naammagittaalliutigineqarpoq (Islandimi pilersaarusiortuni ataatsimiinnermi piffissaalatsineq aningaasatigullu mianersorneq peqqutigalut pingaarnersiuinermi ilanngunneqanngilaq) aamma sermit iigartartut ilaasa nalaanni sila peqqutaalluni timmisartortoqarsinnaasimanngilaq.

Rikke Guldborg Hansenip 2022-mi kisitsinermi inernerit kiisalu qilalukkat qernertat kisitsinermi amerlassusaat siammarsimanerallu saqqummiuppai, taakkulu kingornatigut aamma oqaluuserineqarput. Uumasooqatigiit pillugit kisitsisit kisitsinerminngaanneersut ikippallaartut piniartut isumaqarput, qilalukkallu qernertat nunap ilaani tusindilikkaanik amerlassuseqarnerarpaat, qilalukkat qernertat 10.000-it tungaannut amerlassuseqassasut piniartoq ataaseq isumaqarpoq. Kisitsineq misissueqqissaarnerlu ilisimatuussutsikkut kukkuneqanngitsumik ingerlanneqarsimasut biologit isumaqarput, inernerillu tutsuiginarnerarpaat, aamma qilalukkat qernertat amerlassusaat katikkaanni malunnaatilimmik ikileriansimanerarpaat. Timmisartukut kisitsinermi takusat ikinnerannut piniarneqarpallaarneri, aarloqarnera imaluunniit qilalukkat qernertat allamut nuussimanerat peqqutaanersut oqallisigineqarpoq.

Oqallinneq nalinginnaasumik:

Qilalukkat qernertat qaammatip nungunerani aamma qaammatip imissinnerani Kangerlussualiartartut ullullu pingasut qaangiukkaangata kangerluk qimaqqittaraat peqataasooq ataaseq isumaqarpoq. Qilalukkat qernertat sermip iigartartup ataani piffissami misissuiffiusumi uumasuusut piniartut allat isumaqarput, taamaattumillu takussaasimannginerarpaat. Qilalukkanik qernertarniariaatsit ukiuni tusindilikkaani kingullerninngaannit allanngorsimasooq aamma kinguaariaat inuusunnerusut allaanerumsumik piniariaaseqarnerat erseqqissaatigineqarpoq (piniarneq qaannamit tamatigut pisanngilaq). Kisitsineq juunimi ingerlanneqarsimasussaagaluartoq piniartut isumaqarput, tamatuma nalaani amerlanerpaat




takussaasarmata. Kisitsinermi periuseq iluatsissappat qilalukkat qernertat siviluumik sumiiffimmi ataatsimiinnissat pisariaqartoq aamma aasarsiorfigisartagaasa ukiiffigisartagaasalu missaanni uumasut katersuunneranni ingerlaarnerannilu kisitsisoqarsinnaanngitsoq (arferit juunimi ingerlaartarput) ilisimatusartut nassuiaapput. Qilalukkat qernertat ukiuni kingullerni 20-ni amerlassusaasa ineriartornerannut tunngatillugu qilalukkat qernertat amerlassusaat taamaaginnangikkuni amerlanerusut piniartoq ataaseq isumaqarpoq (Kuummiut), sumiiffimmi ataatsimi uumasooqatigiit ikitsunnguakkaarlutik arlaliusut piniartoq alla isumaqarpoq, alla isumaqarpoq Kangerlussuarmi amerlassusaat taamaaginnangikkuni amerlanerusut, allalu isumaqarpoq Tasiilap kujasinneerortaanii qilalukkat qernertat aasaanerani takuneqartartut ikinnerusartut. Qilalukkat qernertat nannullu siornatigutut amerlaqatigiiaallutik takussaajunnaarsimasut (pingaartumik Kangerlussuup kujataani) taaneqarpoq. Peqataasoq ataaseq isumaqarpoq arferit allat atlantikuminnganneersut amerlasuut sumiiffinninngaanniit qimaatitsisartut. Piniartut tamatuma kingunerisaanik qilalukkanik qernertarniarnerminni avannarpasinnerusumut angalasalertussaapput.

Nutserisoq arlaleriarluni kukkusartoq maluginiarneqarpoq, tamatuma kingunerisaanik biologit piniartullu akornanni paatsoornermik kinguneqartarluni, peqataasunut kipiluttunaqisumik.



Pinngortitaleriffiup Kalaallit Nunaannilu Tunumi piniartut akornanni suleqatigiissitap ataatsimiinnera ulloq 5. oktober 2023, Ittoqqortoormiit aamma internetikkut, Kalaallit Nunaanni Tunumi qilalukkanik qernertanik kisitsinermi misilittakkat pillugit oqaloqatigiinneq (aasaq 2022)



Asseq: Pinngortitaleriffimminngaanniit Ittoqqortoormiinngaanniillu peqataasut (atit, ilanngussaq 3 takuuk)

Eqikkagaq

Pinngortitaleriffiup aamma Ittoqqortoormiini piniartut akornanni suleqatigiissitami ataatsimiinneq 5. oktobari, 2022-mi pivoq. Ittoqqortoormiitut internetsikkut attaveqaatit 25.juuli ajoquteqarnerat peqqutigalugu Tasiilami ataatsimiinnermi oqaluuserisassat assigalugit ataatsimiinneq nanginneqarpoq (ilanngussaq 2). Pilersaarusiortuni ataatsimiinnermit timmisartukkullu kisitsinermi misilittakkat pillugit ilisimatusartut piniartullu naliliipput. Suleqatigiinneq pitsaasutut ilisimatusartunit piniartunillu nalilernerqarpoq aamma siunissami suliniutinut tunngatillugu suleqatigiinnerulernissaq kissaatigineqarpoq. Soorlu assersuutigalugu ilisimasani avitseqatigiinnikkut aamma video-link atorlugu immikkut ittumik misissuilluni nakkutiginninnerni. Tamatuma saniatigut qilalukkat qernertat amerlassusaasa uppersarniarneqarneranni periutsinik allanik atorneqarsinnaasunik piniartut



siunnersuuteqaqquneqarput (maannamut suli siunnersuuteqartoqanngilaq). Taakku saniatigut timmisartukkut kisitsinermi inernerit saqqummiunneqarput oqallisigineqarlutillu. Kalaallit Nunaanni Tunumi qilalukkat qernertat amerlassusaasa siammarsimassusaallu kinguaariaani kingullerni ineriartornerat oqaluuserineqarpoq.

Rikke Guldborg Hansenip Ittoqqortoormiuni aasakut qilalukkanik qernertanik 1983-iminngaanniit 2022-mut kisitsinernit inernerit saqqummiuppai, 2022-mi kisitsineq immikkut sammisaralugu. Timmisartukkut kisitsinerit atorlugit qilalukkat qernertat amerlassusaat paasineqarsinnaanngitsut peqataasoq ataaseq isumaqarpoq, tamakkiisumik kisitsisit pineqanngimmata. Timmisartukkut kisitsinerni titarnerit ungaseqatigiisssartut tukimut timmiffigineqartartut atorlugit ingerlanneqartarnerat pillugu Rikke nassuiaateqarpoq, taamaaliornikkut immap qaavata ilaannaa kisitsiffigineqartarluni (30% miss). Sumiiffimmi ataatsimi missingersuusiorfiusussamik tigooqqaalluni misissuinerit tunngavigalugit arferit amerlassusaat naatsorsorneqartarpoq, tassa imaappoq sumiiffimmi ataatsimi immap qaava qulaanneqarsimanngitsaq qulaanneqarsimasumi takusat amerlaqataanik arfeqarsimanera naatsorsuutigineqartarmat. Kisitsinermi inernerit eqqortuunngitsut piniartut isumaqarput, Vikinge Bugtimi ulloq taanna timmisartumik kisitsisoqarmat qilalukkanik qernertanik takusimagamik, naak timmisartuminngaanniit takusoqarsimanngikkaluartoq. Sumiiffimmi ataatsimi qilalukkat qernertat kisitsinermi naleqqiullugu amerlanerusut piniartut isumaqarput. Alaatsinaattut qilalukkanik takunngitsuugaqarsinnaasut Rikke nassuiaavoq, immaassinnaammat alaatsinaattut takuitsuugaqarsimasut imaluunniit arferit aqqarsimasut. Taakku tamarmik kisitsisit katinneranni ilanngunneqartarput. Kisitsinerit misissuueqqissaarnerillu tamarmik ilisimatuussutsikkut kukkuneqanngitsumik ingerlanneqarsimasut biologit isumaqarput, taamaattumillu inernerit tutsuiginarput aamma Ittoqqortoormiini Blossevillekystenimilu qilalukkat qernertat katillugit amerlassusaat malunnaatilimmik ikileriarsimapput. Timmisartup motooriata qilalukkat qernertat pissusaannut akornusiisinaanera oqallisigineqarpoq, soorlu assersuutigalugu timmisartoq apparsalermat aqqarsimasinnaanerat. Sumiiffinni allani misissuisoqarsimaneranik Rikke nassuiaateqarpoq, taakkulu takutippaat timmisartup qulaannerani qilalukkat qernertat aqqartut qilalukkanit qernertanik puisunit amerlanerunngitsut.

Nerlerit Inaanni kisitsinermi piniartut peqataanerminni misigisaat (Ittoqqortoormiit, aqutsiveqarfik 3):

Josef Lorenzen: Kisitsinermut pitsaasunik tunniussaqaarsimalluni misigisimavoq. Timmisartukkut kisitsinerup nalaani ullut ataasiakkat silamik peqquteqartumik pilersaarusiortariaqarsimaneri paasineqarsinnaapput. Biologit piniartullu akornanni oqaloqatigiinneq pitsaasuusoq isumaqarpoq aamma angalanermi ingerlatsisoq ullormut pilersaarutinin ilisimatitsillaqqinnerarpaa. Timmisartumi teknikkikkut atortorissaarutit eqqarsaatigalugit oqaloqatigiinnerup pitsaanerunissaa kissaatigaa (timmisartumi 2022-mi oqaloqatigiinnissamut kanaalit teknikki peqqutaalluni tallimaasinnaasimanngillat, maannali pitsanngorsarneqareerput). Timmisartukkut kisitsineq pilersaarutinin naleqqiullugu siusinnerusukku naggataarneqarnerat ajuusaarutigineqarpoq. Silap



ilimagisamit pitsaanerusimanera taamaattumillu piffissaq sioqqullugu naammassisoqarsimanera nassuiaatigineqarpoq.

Oqallinneq nalinginnaasoq:

Qilalukkat qernertat assigiinngitsut marluusut piniartut isumaqatigiissutigaat, aappaa Nunap Eqqissisimatitaasup nalaaniittarpoq, tassa imaappoq tamatuma nalaani aasarsiortarmat aappaalu Ittoqqortoormiit nalaanni aasarsiortarluni. Qilalukkat qernertat Nunap Eqqissisimatitaasup nalaaninngaanneersut amerlassusaat ukiuni kingullerni 20-ni nikissimanngitsut piniartut isumaqarput, kisiannili Ittoqqortoormiit nalaanni qilalukkat qernertat ukiuni kingullerni qulini ikiliartulersimapput. Qilalukkat qernertat Ittoqqortoormiit tikittarnerat allannguuteqarsimasoq piniartut isumaqarput (arferit siornatigut juulimi tikittarsimapput, massakkut septembarimi tikittarput), ingerlaartarnerat allannguuteqarsimasoq takuneqarsimavoq, Ittoqqortoormiit nalaanniittarnerat sivikinnerulersimasoq aamma qilalukkat qernertat Ittoqqortoormiit nalaannut aasarsiortartartut ikilisimapput. Piniarneqarpallaartarneri imaluunniit umiarsuit takornariartaatit amerlatsissimanerat qilalukkat qernertat ikilisimanerannut peqqutaanersoq oqallisigineqarpoq. Qilalukkat qernertat amerlassusaasa ukiuni kingullerni 20-ni ineriartornerannut tunngatillugu piniartut isumaqarput qilalukkat qernertat aasakkut Nunami Eqqissisimatap nalaaniittartut Ittoqqortoormiit avataanni upernaakkut pisarineqarsinnaasartut, kisiannili uumasooqatigiit taakku tamatuma nalaa Ittoqqortoormiineersut tikitsinnagit qimattaraat.

Suleqatigiinneq aamma inassutit pillugit oqallinneq:

Kissaatit assigiinngitsut taaneqarput, soorlu assersuutigalugu piniartut Pinngortitaleriffiullu akornanni suleqatigiinnerusalernissaq peqataasoq ataaseq isumaqarpoq, soorlu assersuutigalugu qilalukkanik qernertarniarnermi biologit alaatsinaattutut ilaasinnaapput. Biologit piniartullu suleqatigiinneq ilisimasanillu avitseqatigiinneq pitsaasutut nalilerpaat aamma siunissami suliniutini takkukkumaartussani suleqatigiinnerunissaq kissaatigineqarpoq. Suliniutit annertuut aallarnisarneqartinnagit piniartut ilisimatinneqartarnissartik kissaatigaat, soorlu ilaatigut ilisimasanik avitseqatigiinnikkut aamma video-link atorlugu immikkut ittumik nakkutiginnilluni misissuinernut tunngatillugu. Timmisartukkut kisitsinerni siunissami ingerlanneqartartussani peqataasarusullutik piniartut kissaatigaat.



Ilanngussaq 1: Pilersaarusoqatigiilluni ataatsimiinnissamut oqaluuserisassat peqataasussallu aqqi, 7.-8.juuni 2022

Ullormut oqaluuserisassat Pinngortitaleriffiup Tunumilu Piniartut suleqatigiissuteqarneranni
Dagsorden, arbejdsgruppemøde mellem Pinngortitaleriffik og fangerne i Østgrønland

Tunumi qernertanik kisitsinissamut pilersaarusioreq
Planlægning af narhvals tælling i Østgrønland

Marlunngorneq ulloq 7. juni/Tirsdag, d. 7. Juni

9:00 - 10:00	Tikilluaqqusineq (Rikke Hansen) peqataasullu ilisaritinnerat Velkommen (Rikke Hansen) og introduktion af deltagere
10:00 - 10:30	Rikke Hansen Kisitsisarnerit oqaluttuassartaanillu saqqummiussissaaq Oplæg fra Rikke Hansen om tællinger og historie
10:30 - 11:00	Kaffi/Kaffe
11:00 - 11:30	Mads Peter Heide-Jørgensen kisitseriaatsit marluk pillugit saqqummiussissaaq Oplæg fra Mads Peter Heide-Jørgensen om to tællemetoder
11:30 - 12:00	Piniartut Tasiilap eqqaaneersut qilalukkat pillugit saqqummiussinerat Oplæg fra fangerne om narhvaler, Tasiilaq området
12:00 - 12:30	Piniartut Ittoqqortoormiit eqqaanni qilalukkat pillugit saqqummiussinerat Oplæg fra fangerne om narhvaler, Ittoqqortoormiit området
12:30 - 13:30	Ullup qeqqasioreq/Frokost
13:30 - 13:50	Tunup Avannaani qernertanik nalunaaqutsinerit pillugit Pinngortitaleriffimmiit saqqummiussineq Oplæg fra GN om narhvalsmærkninger i Nordøstgrønland
13:50 - 14:10	Pele Blytmann timmisartumik kisitsinermi 2022' mi ingerlanneqartumi peqataasimanini pillugu saqqummiussissaaq Oplæg fra Pele Blytmann om deltagelse i GN flytælling i 2022
14:10 - 14:30	Kristoffer Hammeken timmisartumik kisitsinermi 2022-mi ingerlanneqartumi peqataasimanini pillugu saqqummiussissaaq Oplæg fra Kristoffer Hammeken om deltagelse i GN flytælling i 2022
14:30 - 15:00	Kaffi/Kaffe
15:00 - 17:00	Eqimattani suliaqarneq: piffissaq kisitsiffiusussaq, periuseq sumiiffiillu pingaartitat sumiinneri pillugit Gruppe arbejde om tid for tælling, design, vægtning af områder

Pingasunngorneq ulloq 8. juni/Onsdag, d. 8. Juni

9:00 - 10:00	Eqimattaniit saqqummiussineq, killiffik Oplæg fra grupperne, status
10:00 - 12:00 inkl kaffe	Eqimattani sulineq/Gruppe arbejde
12:00 - 13:00	Ullup qeqqasioreq/Frokost
13:00 - 16:00 inkl kaffe	Kisitseriaasissat, periussissat, sumiiffiit, piffissaq kisitsiffiusussaq nalunaarusiamillu allannissaq Konsensus om design, metode, område, tid for tælling og rapportskrivning
16:00 - 17:00	Naggasiineq pilersaarummillu tunniussineq/Afslutning og udlevering af plan



Moderator/Ataatsimiinnermik aqutsisoq;

Amalie Jessen

Pinngortitaleriffik;

Rikke Guldborg Hansen

Mads Peter Heide-Jørgensen

Lars Witting

Rasmus Stenbak Larsen

Else Løvstrøm

Fangere/Piniartut;

Tasiilaq:

Frede Kilime

Tobias Ignatiussen

Kuummiut:

Eli Ignatiussen

Sermiligaaq:

Simmujoq Nathanielsen (AFBUD)

Tiniterilaaq:

Otto Nakinge

Kulusuk:

Lars Bianco Mikaelson

Ittoqqortoormiit:

Scoresby Hammeken

Hjelmer Hammeken

Josef Lorentzen

Åge Hammeken Danielsen

Aqqalu Barsilajsen

Tolk/Nutserisoq;

Laila Olsvig Schytz (Tasiilaq)

Tidligere observatører på flytællinger i Vestgrønland 2022/Kisitsinerni peqataasimasut 2022;

Pele Blytmann (Ilulissat)

Kristoffer Hammeken (Ittoqqortoormiit)



llanngussaq 2: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juuli 2023

Dagsorden 9:00 - 9:30	Velkommen og introduktion af deltagere samt deres bidrag ifm tælling
9:30 - 10:00	Oplæg fra Else Løvstrøm om konklusion, interview mm fra fangermødet i juni 2022
10:00 - 10:20	Oplæg fra Frede Kilime om deltagelse i tællingen ud fra Kulusuk
10:20 - 10:40	Oplæg fra Kristoffer Hammeken/Josef Lorentzen om deltagelse flytællingen ud fra Ittoqqortoormiit
10:40 - 11:00	Kaffe
11:00 - 11:30	Oplæg fra Rikke Hansen om tællingen herunder resultater
11:30 - 12:30	Frokost
12:30 - 13:00	Oplæg fra fangerne om narhval fangst i 2022
13:00 - 14:00	Fælles diskussion om resultat af tællingen og samarbejdet
14:00 - 14:30	Konklusion om tælling
14:30 - 15:00	Kaffe
15:00 - 15:30	Slut dokumentet godkendes

Ullormut oqaluuserisassaq 9:00 - 9:30	Tikilluaqqusineq peqataasullu imminnut ilisaritinnerat kisitsinermilu sutigut ikiuuttoqarsimanersoq
9:30 - 10:00	Piniartut Islandimi juuni 2022imi ataatsimeeqatigineqarnerini inernerisa, apersuinerillu saqqummiunneqarnerat
10:00 - 10:20	Frede Kilime Kulusummiit kisitsisimanermut peqataasimaneq pillugu saqqummiussaqaassaaq
10:20 - 10:40	Kristoffer Hammeken/Josef Lorentzen Ittoqqortoormiiniit kisitseqataasimanerminnik saqqummiussissapput
10:40 - 11:00	Kaffi
11:00 - 11:30	Rikke Hansen kisitsinerup inernerinik saqqummiussineq
11:30 - 12:30	Ullup qeqqasiorneq
12:30 - 13:00	Qernertanik qilalugarniarnerup 2022imi qanoq issimanera pillugu piniartut saqqummiussaqaarnerat
13:00 - 14:00	Suleqatigiinneq kisitsinerullu inernerik pillugit eqqartueqatigiinneq
14:00 - 14:30	Kisitsinerup inernerisa inaarusiornera
14:30 - 15:00	Kaffi
15:00 - 15:30	Inaarutaasumik suliap akuerineqarnissaa



Moderator/Ataatsimiinnermik aqutsisoq;

Ole Jens Lundblad

Pinngortitaleriffik;

Rikke Guldborg Hansen

Fernando Ugarte

Else Løvstrøm

Fangere/Piniartut;

Tasiilaq:

Frede Kilime

Tobias Ignatiussen

Kuummiut:

Eli Ignatiussen

Anders Sanimuniaq

Sermiligaaq:

Simmujooq Nathanielsen

Tiniterilaaq:

Otto Nakinge

Kulusuk:

Lars Bianco Mikaelson

Isortoq:

Mikael Haraldsen

Ittoqqortoormiit: (AFBUD)

Scoresby Hammeken

Hjelmer Hammeken

Josef Lorentzen

Åge Hammeken Danielsen

Aqqalu Barsilajsen

Tolk/Nutserisoq;

Kristian Kalia Smukk



llanngussaq 3: Kisitsereernerup kingornatigut ataatsimiinnissamut oqaluuserisassat kiisalu peqataasussat aqqi, Tasiilaq 25. juuli 2023

Dagsorden 10:00 - 10:30	Velkommen og introduktion af deltagere samt deres bidrag ifm tælling
10:30 - 11:00	Oplæg fra Else Løvstrøm om konklusion, interview mm fra fangermødet i juni 2022
11:00-11:20	Pause
11:20 - 11:40	Oplæg fra Kristoffer Hammeken/Josef Lorentzen om deltagelse flytællingen ud fra Ittoqqortoormiit
11:40 - 12:00	Oplæg fra Rikke Hansen om tællingen herunder resultater
12:00 - 12:30	Frokost
12:30 - 13:30	Oplæg fra fangerne om narhval fangst i 2022 og 2023
13:30 - 13:50	Pause
13:50 - 14:30	Fælles diskussion om resultat af tællingen og samarbejdet
14:30 - 14:50	Konklusion om tælling,
14:50 - 15:00	Slutdokumentet godkendes

Ullormut oqaluuserisassaq 9:00 - 9:30	Tikilluaqqusineq peqataasullu imminnut ilisaritinnerat kisitsinermilu sutigut ikiuuttoqarsimanersoq
9:30 - 10:00	Piniartut Islandimi juuni 2022imi ataatsimeeqatigineqarnerini inernerisa, apersuinerillu saqqummiunneqarnerat
10:00 - 10:20	Frede Kilime Kulusummiit kisitsisimanermut peqataasimaneq pillugu saqqummiussaqaassaaq
10:20 - 10:40	Kristoffer Hammeken/Josef Lorentzen Ittoqqortoormiiniit kisitseqaatasimanerminnik saqqummiussissapput
10:40 - 11:00	Kaffi
11:00 - 11:30	Rikke Hansen kisitsinerup inernerinik saqqummiussineq
11:30 - 12:30	Ullup qeqqasiorneq
12:30 - 13:00	Qernertanik qilalugarniarnerup 2022imi qanoq issimanera pillugu piniartut saqqummiussaqaarnerat
13:00 - 14:00	Suleqatigiinneq kisitsinerullu inernerik pillugit eqqartueqatigiinneq
14:00 - 14:30	Kisitsinerup inernerisa inaarusionera
14:30 - 15:00	Kaffi
15:00 - 15:30	Inaarutaasumik suliap akuerineqarnissaa



Moderator/Ataatsimiinnermik aqutsisoq;

Bjarne Lyberth (Ababsi)

Pinngortitaleriffik;

Rikke Guldborg Hansen

Mads Peter Heide-Jørgensen

Fernando Ugarte

Else Løvstrøm

Fangere/Piniartut;

Scoresby Hammeken (Inuuta)

Hjelmer Hammeken

Josef Lorentzen

Åge Hammeken Danielsen

Isak Pike

Gaba Abelsen

Martin Madsen

Tolk/Nutserisoq;

Else Løvstrøm